

Риёзус солиҳийн шарҳи / Ҳаё ва унинг фазилати ҳамда у билан хулқланишга одатланмоққа тарғиб қилиш ҳақида / 1162-ҳадис

1162 - وَعَنْ أُمِّ هَانِيٍّ فَاحْتَتَا بِنْتُ أَبِي طَالِبٍ رَضِيَ اللَّهُ عَنْهَا قَالَتْ: دَهَبْتُ إِلَى رَسُولِ اللَّهِ صَلَّى اللَّهُ عَلَيْهِ وَسَلَّمَ عَامَ الْفَتْحِ فَوَجَدْتُهُ يَغْتَسِلُ، فَلَمَّا فَرَغَ مِنْ غُسْلِهِ صَلَّى ثَمَانِي كَعَاتٍ، وَذَلِكَ ضُحَى. مُتَّفَقٌ عَلَيْهِ، وَهَذَا مُخْتَصَرُ لَفْظِ إِحْدَى رِوَايَاتِ مُسْلِمٍ [خ 357، م 336/82 فِي صَلَاةِ الْمَسَافِرِينَ، بَابُ اسْتِحْبَابِ صَلَاةِ الضُّحَى].

1162. Умму Ҳонейъ Фохитата бинти Абу Толиб розияллоҳу анҳодан ривоят қилинади:

«Фатҳ куни Расулуллоҳ соллаллоҳу алайҳи васаллам ҳузурларига бориб, у зотни ғусл қилаётган ҳолларида топдим. Қачонки ювиниб бўлганларидан кейин саккиз ракат намоз ўқидилар. Ана шу зуҳо (чоштгоҳ) намози эди», дедилар.

Муттафақун алайҳ.

Шарҳ: Бу ривоятда Пайғамбаримиз соллаллоҳу алайҳи васалламнинг:

1. Сафарда ҳам чошгоҳ намози ўқиганлари.
2. Бировнинг уйида ғусл қилиб, намоз ўқиганлари.
3. Чошгоҳ намозини гоҳида саккиз ракат ўқиганлари келиб чиқади.

Бошқа ривоятда: «Набий соллаллоҳу алайҳи васаллам фатҳ куни чошгоҳ намозини саккиз ракат ўқидилар. Ҳар икки ракатда салом берардилар».



HADIS.ISLOM.UZ
NUBUVVAT MARVARIDLARI